庫全書

子部

四

子部

經濟類編卷六十一

詳校官中書臣 照 主事臣祁韻士覆勘

校對官編修臣 總校官知縣臣 謄録監生臣 机廷蓝 沈清藻 繆

琪

KIEDIN LINE 公日衣食所安弗敢專也公以分人對曰小惠未徧民 飲定四庫全書 何問焉劇曰內食者都未能遠謀乃入見問何以戰 經濟類編卷亦十 找魯莊公将戰曹副請見其鄉人曰肉食者謀之 三十六则 經濟類編 馮琦馮瑗 撰

鼓之劇曰未可齊人三鼓劇曰可矣齊師敗績公将馳 其 孚神弗福也公曰小大之獄雖不能察必以情對曰忠 既克公問其故對曰夫戰勇氣也一鼓作氣再而衰三 之屬也可以一戰戰則請從公與之乘戰於長勺公将 **弗從也公曰犠牲王帛弗敢加也必以信對曰小** 而 '剃曰未可下視其轍登戟而望之曰可矣遂逐齊師 **鸠彼竭我盈故克之夫大國難測也懼有伏馬吾視 轍亂望其旗靡故逐之** 卷六十 信未

齊侯曰勿殺吾與爾盟無入而封弗聽殺而傳諸城上齊侯 The in tent to the **追我此乃止且告車來甚象齊師乃止次于鞫居新築** 徒何以復命皆不對又曰子國卿也隕子辱矣子以衆 如戰也夏有石成子曰師敗矣子不少須衆懼盡子喪師 親鼓士陵城三日取龍遂南侵及巢丘衞侯使孫良夫石稷 遇其師而還將謂君何若知不能則如無出今既遇矣不 經濟類編

齊侯伐我北鄙圍龍頃公之嬖人盧蒲就魁門焉龍人囚之

以守器器以截禮禮以行義義以生利利以平民政之 辭請曲縣繁纓以朝許之仲尼聞之曰惜也不如多與 大節也若以假人與人政也政亡則國家從之弗可止 之邑唯器與名不可以假人君之所司也名以出信信 之赋也有先君之明與先大夫之肅故捷克於先大夫 晉乞師皆主部獻子晉侯許之七百乘卻子曰此城濮 也已孫桓子還於新築不入遂如晉乞師臧宣叔亦 人仲叔于奚救孫桓子桓子是以免既衛人賞之以邑 如

多分里居 八十二

對日晉與魯衛兄弟也來告曰大國朝夕釋憾於做色 之地寡君不忍使羣臣請於大國無今與師淹於君地 侯使請戰曰子以君師辱於做邑不腆做賦詰朝請見 将故之至則既斬之矣邻子使速以 徇告其僕曰吾以 書將下軍韓嚴為司馬以救魯衛城宣叔送晉師且道 之季文子的師會之及衛地韓獻子将斬人卻獻子馳 分誇也師從齊師于華六月壬申師至于靡笄之下齊 無能為役請八百乘許之卻克將中軍士變佐上軍樂

大江日本人

经济新编

言病吾子恐之緩曰自始合尚有險余必下推車子豈 癸酉師陳于軍那夏御齊侯逢丑父為右晉解張御部 馳之卻克傷于矢流血及優未絕鼓音曰余病矣張 曰自始合而矢貫余手及肘余折以御左輪朱殷豈敢 克鄭丘緩為右齊侯曰余姑翦滅此而朝食不介馬而 也若其不許亦將見也齊萬固入晉師桀石以投人禽 能進不能退君無所辱命齊侯曰大夫之許寡人之願 之而乘其車緊桑本馬以徇齊壘曰欲勇者 贾余餘勇 侯

The Tento Control 韓厥曰請寓乘從左右皆肘之使立於後韓厥倪定 此車一人殿之可以集事若之何其以病敗君之大事 識之然子病矣張侯曰師之耳目在吾旗鼓進退從之 也射其左越于車下射其右斃于車中綦毋張喪車從 接抱而鼓馬逸不能止師從之齊師敗績逐之三周華 也樣甲執兵固即死也病未及死吾子勉之左并轡右 不注韓厥夢子輿謂已曰且辟左右故中御而從齊侯 夏日射其御者君子也公曰謂之君子而射之非禮 經濟類編

車宛後為右載齊侯以免韓服獻丑父卻獻子將戮之 當戎行無所逃隱且懼奔辟而黍兩君臣辱戎士敢告 呼曰自今無有代其君任患者有一於此將為戮乎卻 使羣臣為魯衛請曰無令與師陷入君地下臣不幸屬 於縣中蛇出於其下以脏擊之傷而匿之故不能推車 右逢丑父與公易位將及華泉縣絓於木而止丑父寢 不敏攝官承之丑父使公下如華泉取飲鄭周父御佐 而及韓厥執絷馬前再拜籍首奉觸加壁以進曰寡君

金分中屋石湯

晉侯之入也秦穆姬屬賈君焉且曰盡納羣公子晉侯 徒之妻也予之石窌 子曰人不難以死免其君我教之不祥赦之以勘事君 吾父免矣可若何乃奔齊侯以為有禮既而問之碎司 子曰君免乎曰免矣曰銳司徒免乎曰免矣曰尚君與 遂自徐闖入齊侯見保者曰勉之齊師敗矣辟女子女 者乃免之齊侯免求丑父三入三出每出齊師以帥沒 入于狄卒狄卒皆抽戈楯冒之以入于衞師衛師免之

大元の時 からっ

經濟粉編

悔山也成云秋矣我落其實而取其材所以克也實落 金贝口尼 三去之餘獲其雄派夫派盡必其君也盡之貞風也其 材亡不敗何待三敗及韓晉侯謂慶鄭曰冠深矣若之 對口乃大吉也三敗必獲晉君其卦遇蠱曰千乘三去 閉之雜故秦伯伐晉卜徒父筮之吉涉河侯車敗詰之 及華山內及解梁城既而不與晉機泰輸之栗秦機晉 大夫既而皆背之赂秦伯以河外列城五東盡虢客南 <u>蒸於賈君又不納羣公子是以移姬怨之晉侯許縣中</u>

次足四章在 使韓簡視師復曰師少於我鬭士倍我公曰何故對曰 變將與人易亂氣於愤除血周作張脉偾與外强中轧 出因其資入用其寵饑食其栗三苑而無報是以來也 進退不可周旋不能君必悔之弗聽九月晉候逆秦師 其道唯所納之無不如志今乘異産以從戎事及懼而 步揚御戎家僕徒為右乘小駟鄭入也慶鄭曰古者大 何 事必乘其産生其水土而知其人心安其教訓而服習 對日我實深之可若何公曰不孫卜右慶鄭吉弗使 經濟粉編

由靡御韓簡貌射為右輅秦伯將止之鄭以敢公誤之 乎遂使請戰曰寡人不佞能合其象而不能離也君若 之入而未定列猶吾憂也苟列定矣敢不永命韓簡退 今又擊之我怠泰傗倍猶未也公曰一夫不可狃況國 遂失秦伯秦獲晉侯以歸晉大夫反首技舍從之秦伯 慶鄭慶鄭曰俊諫違卜固敗是求又何逃焉遂去之梁 日吾幸而得囚壬戌戰于韓原晉戎馬還淨而止公號 不選無所迯命秦伯使公孫枝對曰君之未入寡人懼

次定四車全書 晉侯以厚歸也既而喪歸焉用之大夫其何有焉且晉 使辭焉曰二三子何其感也寡人之從居而西也亦晉 則朝以死唯君裁之乃舍諸靈臺大夫請以入公曰獲 相見而以與戎若晉君朝以入則婢子夕以死夕以入 以免服衰经逆且告曰上天降災使我兩君匪以王帛 聞晉侯將至以太子瑩弘與女簡璧登臺而履薪焉使 之妖夢是践豈敢以至晉大夫三拜稽首曰君履后土 而戴皇天皇天后土實聞君之言羣臣敢在下風穆姬 經濟判編

聚皆哭晉於是乎作爰田呂甥曰君亡之不恤而羣臣 始禍無怙亂無重怒重怒難任陵人不祥乃許晉平晉 侯使郤乞告瑕呂飴甥且召之子金教之言曰朝國人 曰不如殺之無聚惡焉子桑曰歸之而質其太子必得 吾言背天地也重怒難任背天不祥必歸晉君公子執 大成晉未可滅而殺其君祇以成惡且史佚有言曰無 而以君命赏且告之曰孤雖歸辱社稷矣其卜貳圉也 人感受以重我天地以要我不圖晉受重其怒也我食

卷六十

歸林睽孤冠張之弧姪其從姑六年其逋逃歸其國而 火為贏敗姬車說其賴火焚其旗不利行師敗于宗丘 献公筮嫁伯姬於秦遇歸妹之睽史蘇占之曰不吉其 是憂惠之至也將若君何衆曰何為而可對曰征繕以 繇曰士刲羊亦無盍也女承筐亦無肌也西鄰责言不 者勸惡我者懼底有益乎聚說晉於是乎作州兵初晉 可償也歸妹之將猶無相也震之離亦離之震為雷為 孺子諸侯聞之丧君有君羣臣輯睦甲兵益多好我

次足四車在衙

经濟類編

僔沓背憎職競由人十月晉陰飴甥會秦伯盟於王城 從史蘇之占吾不及此夫韓簡侍曰龜象也益數也物 君而知其罪不憚征繕以待秦命曰必報徳有死無二 親不憚征繕以立圉也曰必報 雌寧事戎狄君子愛其 泰伯曰晋國和乎對曰不和小人耻失其君而悼丧其 生而後有象象而後有滋滋而後有數先君之敗德及 棄其家明年其死於高梁之虚及惠公在泰曰先君若 可數乎史蘇是占勿從何益詩曰下民之孽匪降自天

分り日

败而不死又使失刑非人臣也臣而不臣行将焉入十 晉侯饋七年焉蛾析謂慶鄭曰盍行乎對曰陷君於敗 一月晉侯歸丁丑殺慶鄭而後入是歲晉又饑秦伯又 廢而不立以德為怨秦不其然秦伯曰是吾心也改館 馬服者懷德貳者畏刑此一役也泰可以霸納而不定 罪矣秦必歸君貳而執之服而舍之徳莫厚焉刑莫威 子恕以為必歸小人曰我毒秦秦豈歸君君子曰我知 以此不和秦伯曰國謂君何對曰小人感謂之不免君

次定四軍全書 ~

經濟期納

衛侯欲與楚國人不欲故出其君以說于晉衛出居于 子曰其後必大晉其庸可冀乎姑掛德焉以待能者於 餼之栗曰吾然其君而於其民且吾 聞唐叔之封也箕 晉侯将伐曹假道于衛衛人弗許運自河濟侵曹伐衛 是秦始征晉河東置官司焉 襄牛公子買戌楚人救衛不克公懼于晉殺子叢以説 正月戊申取五鹿二月晉都穀卒原軫将中軍胥臣佐 下軍上德也晉侯齊侯盟于欽孟衞侯請盟晉人弗許

20.10 m 1.1 m 城上晋侯患之聽與人之謀曰稱舍於墓師遷焉曹人 兇懼為其所得者棺而出之因其兇也而攻之三月 丙 見使者曰以君之靈不有寧也距躍三百曲踊三百乃 **商怒曰勞之不圖報於何有教僖員羈氏魏學傷於育** 曰獻狀令無入僖員羈之宮而免其族報施也魏犨顛 午入曹數之以其不用僖蜀羁而乘軒者三百人也且 焉謂楚人曰不卒成也晉侯圍曹門焉多死曹人尸諸 公欲殺之而愛其材使問且視之病將殺之魏蟬束腎 医奔顶的

衛之田以界宋人楚 子入居于申使申叔去教使子王 我欲戰矣齊秦未可岩之何先軫曰使宋舍我而縣齊 多灾四昼全書 曹衛必不許也喜縣怒頑能無戰乎公説執曹伯分曹 去宋曰無從晉師晉侯在外十九年矣而果得晉國險 秦籍之告楚我執曹君而分曹衞之田以賜宋人楚愛 **尹般如晉師告急公曰宋人告急舍之則絕告楚不許** 舍之殺顛頡以徇于師立舟之僑以為戎右宋人使門 阻艱難備嘗之矣民之情偽盡知之矣天假之年而除 表六十一

2117 1 LL 與之師唯西廣東宮與若教之六卒實從之子王使宛 **恭請戰曰非敢必有功也願以問執讒慝之口王怒少** 其害天之所置其可廢乎軍志曰九當則歸又曰知難 無禮何以戰乎不許楚言是棄宋也救而棄之謂諸侯 曰子王無禮哉君取一臣取二不可失矣先於曰子與 春告於晉師曰請復衛侯而封曹臣亦釋宋之圍子犯 而是又曰有徳不可敵此三志者晉之謂矣子王使伯 之定人之謂禮楚一言而定三國我一言而亡之我則 經済期編

晉師晉師退軍吏曰以君辟臣辱也且裝師老矣何故 直共聚素飽不可謂老我退而楚選我將何求若其不 此退三合辟之所以報也背惠食言以亢其雠我曲楚 拘宛春於衛且私許復曹衛曹衛告絕於楚于王怒從 復曹衛以攜之執宛春以怒楚既戰而後圖之公説乃 退子犯曰師直為壯曲為老豈在久乎微楚之惠不及 選君退臣犯曲在彼矣退三舍楚衆欲止子王不可夏 何楚有三施我有三怨怨雠巳多将何以戰不如私許

多分四月全書

シュンヨース とんこ 晉侯夢與楚子搏楚子伏已而鹽其腦是以懼子犯 侯若其不挽表襄山河必無害也公曰岩楚惠何樂貞 請與君之士戲君馮軾而觀之得臣與寓目焉晉侯使 吉我得天楚伏其罪吾且柔之矣子王使闘勃請戰曰 子曰漢陽諸姬楚實盡之思小惠而忘大耶不如戰也 合其酱而新是謀公疑焉子犯曰戰也戰而提必得諸 濮廷師背都而合晉侯患之聽與人之誦曰原田每每 四月戊辰晉侯宋公齊國歸父崔天泰小子愁次于城 經濟對編

|動穴四犀生書 佐當陳蔡子王以若敖之六卒将中軍曰今日必無晉 伐其木以盆其兵已已晉師陳于華北胥臣以下軍之 **靽晋侯登有華之虚以觀師曰少長有禮其可用也遂** 為大夫退其敢當君乎既不獲命矣敢煩大夫謂二三 樂技對日寡君開命矣楚君之惠未之敢忘是以在此 **蔡奔楚右師潰抓毛設二斾而遚之樂技使與曳柴而** 矣子西將左子上將右胥臣家馬以虎皮先犯陳暮陳 子戒爾車乘敬爾君事詰朝将見晉車七百乘點割鞅

羊以逆曰孤不天不能事君使君懷怒以及敝邑孤之罪 **楚子圍鄭旬有七日鄭人上行成不吉上臨于大宫且** 巷出車吉國人大臨守四者皆哭巷子退師鄭人修城 偽追楚師馳之原軫卻添以中軍公族横擊之狐毛狐 進復圍之三月克之入自皇門至於逵路鄭伯內祖牽 雅作王宫于踐土 而止故不敗晉師三日館穀及癸酉而還甲午至于衡 偃以上軍夾攻予西楚左師清楚師敗績予王収其卒 座所問編

佐之趙朔将下軍樂書佐之趙括趙嬰齊為中軍大夫 幾乎退三十里而許之平潘匹入盟子良出質夏六月 多玩四角全書 晉師救鄭尚林父將中軍先穀佐之士會將上軍卻克! 桓武不很其社稷使改事君夷于九縣君之惠也孤之 顾也非所敢望也敢布腹心君實圖之左右曰不可許 以賜諸侯使臣妾之亦惟命若惠顔前好徼福於厲宣 也得國無放王曰其君能下人必能信用其民矣庸可 也敢不惟命是聽其俘諸江南以實海濱亦惟命其剪

業而卒乘輯睦事不好矣為敖為宰擇楚國之令與軍 司馬及河聞鄭既及楚平桓子欲還曰無及於鄭而劉 鞏朔韓穿為上軍大夫前首趙同為下軍大夫韓 厥為 罷勞君無怨臨政有經矣剃尸而舉商農工買不敗其 級刑也柔服德也二者立矣昔歲入陳今兹入鄭民不 鄭怒其貳而哀其甲叛而伐之服而舍之德刑成矣伐 而動德刑政事典禮不易不可敵也不為是征楚軍討 民焉用之葵歸而動不後隨武子曰善會聞用師觀蒙

一次定四車全書 人

經濟類編

政不戒而備能用典矣其君之舉也內姓選於親外姓 武丹指有弱而昧者何必葵仲虺有言曰取亂侮亡兼 小人物有服童贵有常尊賤有等威禮不逆矣德立刑 弱也汋曰於鑔王師遵養時晦者昧也武曰無競惟烈 退軍之善政也無弱攻昧武之善經也子姑整軍而經 行政成事時典從禮順若之何敵之見可而進知難而 行右轅左追導前茅慮無中權後勁百官象物而動 選於舊舉不失德賞不失勞老有加惠旅有施舍君子 軍

一戒凶執事順成為滅逆為否聚散為弱川壅為澤有律 我失霸不如死且成師以出聞敵殭而退非夫也命為 以如己也故曰律否减且律竭也盈而以竭天且不整 **莊子曰此師殆哉周易有之在師之臨曰師出以律否** 軍師而卒以非夫唯羣子能我弗為也以中軍佐濟 臣力也今失諸侯不可謂力有敵而不從不可謂武由 撫弱者昧以務烈所可也藏子曰不可晉所以霸師 所以山也不行之謂臨有帥而不從臨孰甚焉此之 · 經濟期編 武

飲定四車全書

敖弗欲曰昔歲入陳今兹入鄭不無事矣戰而不提參 誰之罪也失屬亡師為罪已重不如進也事之不提惡 之肉其足食乎参曰若事之提孫叔為無謀矣不捷参 師次於郷沈尹將中軍子重將左子反將右將飲馬於 有所分與其專罪六人同之不猶愈乎師遂濟楚子北 桓子曰虱子以偏師陷子罪大矣子為元帥師不用命 河而歸聞晉師既濟王欲還嬖人伍参欲戰令尹孫叔 也果遇必敗虱子尸之雖免而歸必有大咎韓獻子謂

棘而北之次于管以待之晋師在敖鄗之間鄭皇戌使 用命其三帥者專行不獲聽而無上衆誰適從此行也 **風子曰敗楚服鄭** 晋師必敗且君而处臣岩社稷何王病之告令尹改乘 曰晉之從政者新未能行令其佐先穀剛愎不仁未肯 之肉將在晉軍可得食乎今尹南轅反旆伍參言於王 如晋師曰鄭之從巷社稷之故也未有貳心巷師縣勝 而驕其師老矣而不設備子擊之鄭師為承葵師必敗 於此在矣必許之樂武子曰楚自 聖新行病

欽定四庫全書 做之于勝之不可保紂之百克而卒無後訓之以若敖 之以至于昏內官序當其夜以待不虞不可謂無備子 庸以來其君無日不討國人而訓之于民生之不易禍 蚧胃篳路藍縷以啓山林箴之曰民生在勤勤則不匮 至之無日戒懼之不可以怠在軍無日不討軍實而申 二廣廣有一卒卒偏之兩右廣初駕數及日中左則受 不使而傲怨于楚我曲楚直不可為老其君之戎分為 不可謂驕先大夫子犯有言曰師直為壯曲為老我則

能文聞二先君之出入此行也將鄭是訓定豈敢求罪 實其言必長晉國楚少宰如晉師曰寡君少遭関凶不 從趙括趙同曰率師以來唯敵是求克敵得屬又何俟 親兵來勸我戰我克則來不克遂往以我卜也鄭不可 必從風子知季曰原屏咎之徒也趙莊子曰樂伯善哉 于晉二三子無淹久随季對曰昔平王命我先君文侯 曰與鄭夾輔周室母廢王命今鄭不率寡君使羣臣問 亚新铜油

良鄭之良也師叔楚之崇也師叔入盟子良在楚楚鄭

一 欽定四庫全書 致師者右入壘折減執俘而還皆行其所聞而復晉人 從而更之曰行人失辭寡君使羣臣遷大國之迹於鄭 諸鄭豈敢辱候人敢拜君命之辱屍子以為諂使趙括 之盟有日矣楚許伯御樂伯攝叔為右以致晉師許伯 逐之左右角之樂伯左射馬而右射人角不能進矢 左射以敢代御執轡御下兩馬掉鞅而還攝叔曰吾聞 曰無碎敵羣臣無所必命楚子又使求成于晋晋人許 曰吾闻致師者御靡旌摩壘而還樂伯曰吾聞致師者 卷六十一 The Carpet Total Control 有軍事獸人無乃不給於鮮敢獻於從者叔黨命去之 未得而怒欲敗晉師請致師弗許請使許之遂往請戰 召盟許之與魏錡皆命而往卻獻子曰二憾往矣弗備 趙旃求卿未得且怒於失楚之致師者請挑戰弗許請 之曰其左善射其右有辭君子也既免晉魏鉤求公族 獻焉曰以歲之非時獻禽之未至敢膳諸從者鮑癸止 而已麋與於前射麋麗龜晉鮑癸當其後使攝叔奉麋 而選楚潘黨逐之及裝澤見六糜射一麋以顧獻曰子 經濟期無

金厂口匠 於好者以惡來有備不敗且雖諸侯相見軍衛不徹誓 師無成命多備何為士季曰備之善若二子怒楚楚人 乘我喪師無日矣不如備之楚之無惡除備而盟何 必敗曻子曰鄭人勸戰弗敢從也楚人求成弗能好也 **楚子為乘廣三十乘分為左右右廣雞鳴而駕日中而** 逐魏錡趙旃夜至於楚軍席於軍門之外使其徒入之 不敗趙嬰齊使其徒先具舟于河故敗而先濟潘黨既 也風子不可士季使鞏朔韓穿帥七覆于敖前故上軍 ATT THE 挏

THE CHANGE OF THE PARTY OF THE 不知所為鼓於軍中曰先濟者有赏中軍下軍爭舟舟 有奪人之心簿之也遂疾進師車馳卒奔乘晉軍桓子 亦懼王之入晋軍也遂出陳孫叔曰進之寧我薄人無 說左則受之日入而說許偃御右廣養由基為右彭名 使乾車逆之潘黨望其塵使騁而告曰晉師至矣楚人 人薄我詩云元戎十乘以先啓行先人也軍志曰先人 而走林屈蕩搏之得其甲裳晋人懼二子之怒楚師也 御左廣屈蕩為右乙卯王乘左廣以逐趙旃趙旃棄車 經済判編

此始亦必以終自是楚之乘廣先左晉人或以廣隊不 其卒而退不敗王見右廣將從之乘屈蕩尸之曰君以 於我吾師必盡不如収而去之分誇生民不亦可乎段 籍君靈以濟廷師使潘黨率游閥四十乘從唐侯以為 **徳而貪以遇大敵不穀之罪也然楚不克君之羞也敢** 中之指可掬也晋師右移上軍未動工尹齊將右拒卒 左拒以從上軍駒伯曰待諸乎隨季曰楚師方壯岩萃 以逐下軍楚子使唐狡與蔡鳩居告唐惠侯曰不殺不

金ケセろくうで

卷六十

ころこうこう しょう 顧曰吾不如大國之數奔也趙旃以其良馬二濟其兄 與叔父以他馬及遇敵不能去棄車而走林後大夫與 怒曰非子之求而蒲之爱董澤之蒲可勝既乎知季曰 木曰尸女於是授趙旃綏以免明日以表尸之皆重獲 其二子乘謂其二子無顧虧曰趙便在後怒之使下指 在木下楚熊買點四知瑩知莊子以其族反之厨武子 下軍之士多從之每射抽矢嵌納諸厨子之房廚子 煙齊頭編 Ŧ

能進楚人甚之脱高少進馬還又甚之技施投衡乃出

一多定四庫全書 戈載索弓矢我求懿徳肆于時夏九王保之又作武其 楚重至於好遂次于衡雅潘黨曰君盖築武軍而以晉 楚師軍於邓晉之餘師不能軍宵濟亦終夜有聲 丙辰| 非爾所知也夫文止戈為武武王克商作頌曰載戢干 襄老獲之遂載其尸射公子殼臣囚之以二者還及昏 不以人子吾子其可得乎吾不可以茍射故也射連尹 卒章曰耆定爾功其三曰鋪時釋思我祖惟求定其六 尸以為京觀臣聞克敵必示子孫以無忘武功楚子曰 卷六十一

觀兵以威諸侯兵不戢矣暴而不戢安能保大猶有晉 豐財者也故使子孫無忘其章今我使二國暴骨暴矣 事而已武非吾功也古者明王伐不敬取其鯨鯢而封 侯何以和聚利人之幾而安人之亂以為已紫何以豐 在焉得定功所違民欲猶多民何安焉無徳而强爭諸 VIII SILL LISLIG 之以為大戮於是乎有京觀以懲淫慝今罪無所而民 財武有七徳我無一焉何以示子孫其為先君宮告成 曰綏萬邦屢豐年夫武禁暴戢兵保大定功安民和象 经济新编 Ī

多分口居台電 諸汋陵獲將鉏樂懼宋恃勝也衛侯伐鄭至于鳴雁為 宋將組樂懼敗諸的改是舍于夫孫不做鄭人覆之敗 **麸子自武城使公子成以汝陰之田求成于鄭鄭叛晉** 告成事而還 皆盡忠以死君命又可以為京觀乎祀于河作先君宫 晉故也晉侯將伐鄭范文子曰若逞吾願諸侯皆叛晉 子驷從楚子盟于武城夏四月滕文公卒鄭子罕伐宋 可以逞若唯鄭叛晉國之憂可立俟也樂武子曰不可

アン・ショラー ハントー 詳義禮信戰之器也德以拖惠刑以正邪詳以事神義 獻子曰有勝矣戊寅晉師起鄭人聞有晉師使告于楚 前燈居守卻讐如衛遂如齊皆乞師焉樂魘來乞師孟 辛將右過申子及入見申叔時曰師其何如對曰德刑 姚句耳與往楚子救鄭司馬將中軍令尹將左右尹子 佐之郤錡將上軍首偃佐之韓厥将下軍郤至佐新軍 以建利禮以順時信以守物民生厚而德正用利而事 以當吾世而失諸侯必伐鄭乃與師樂書將中軍士燮 聖奇斯編 Ē

多次四月生書 志不整丧列志失列丧將何以戰是懼不可用也五月 齊盟而食話言好時以動而疲民以逞民不知信進退 罪也人恤所成其誰致死子其勉之吾不復見子矣姚 節時順而物成上下和睦周旋不逆求無不具各知其 句耳先歸子駟問焉對曰其行速過險而不整速則失 其闕此戰之所由克也今楚内棄其民而外絕其好瀆 害民生敦雁和同以聽莫不盡力以從上命致死以 極故詩曰立我烝民莫匪爾極是以神降之福時無災 卷六十一 補

1

アノ・ショニー ノ・コー 矣今又辟楚又益耻也文子曰吾先君之亟戰也有故 已唯聖人能內外無患自非聖人外軍必有內憂盍釋 秦狄齊楚皆強不盡力子孫將的今三強服矣敵楚而 晉師濟河開整師將至范文子欲反曰我偽迎楚可以! 命邺之師茍伯不復從皆晉之耻也子亦見先君之事 不欲戰卻至曰韓之戰惠公不根旅箕之役先軫不反 以事君多矣武子曰不可六月晉楚遇於鄢陵范文子 紓受夫合諸侯非吾所能也以遗能者我若羣臣輯睦 逐外領衛 Ŧ

必克之楚子登巢車以望晉軍子重使大宰伯州犂侍 合而加嚻各顧其後莫有關心舊不必良以犯天忌我 馬樂書曰楚師輕窕固壘而待之三日必退退而擊之 卒以舊鄭陳而不整蠻軍而不陳陳不違晦在陳而嚻 必獲勝焉卻至曰楚有六閒不可失也其二卿相惡王 白超進曰塞井夷竈陳於軍中而疏行首晉楚唯天所 授何患焉文子執戈逐之曰國之存亡天也童子何知

多方四年全書

楚以為外懼乎甲午晦楚晨壓晉軍而陳軍吏患之范

米六十

Krulo int little 擊其左右而三軍萃於王卒必大敗之公筮之史曰吉 皇言於晉侯曰葵之良在其中軍王族而已請分良以 侯之側亦以王卒告皆曰國士在且厚不可當也苗賁 命也甚哪且塵上矣曰將塞井夷竈而為行也皆乘矣 矣曰合謀也張幕矣曰虔卜於先君也微幕矣曰將發 右皆下矣曰戰禱也伯州犂以公卒告王苗實皇在晉 左右執兵而下矣曰聽誓也戰乎曰未可知也乘而左 于王後王曰賜而左右何也曰召軍吏也皆聚於中軍 经濟對編 吉

金岁中居有書 已潘在之黨與養由基蹲甲而射之徹七礼焉以示王 侯鋮曰書退國有大任焉得專之且侵官胃也失官慢 曰君有二臣如此何憂於戰王怒曰大辱國詰朝爾射 也離局姦也有三罪焉不可犯也乃掀公以出於淖癸 **厲公樂鍼為右彭名御葵共王潘黨為右石首御鄭成** 何待公從之有淖於前乃皆左右相違於淖步毅御晋 其卦遇復日南國職射其元王中厥目國職王傷不敗 公唐尚為右樂范以其族夾公行陷於淖樂書將載晉 卷六十

欠しり時から **蒙甲胃不敢拜命敢告不寧君命之辱為事之故敢肅** 幸之附注君子也識見不穀而超無乃傷乎卻至見客 姓月也必楚王也射而中之退入於泥亦必死矣及戰 免胃承命曰君之外臣至從寡君之戎事以君之靈問 弢以一矢復命邻至三遇楚子之卒見楚子必下免胄 射共王中目王召養由基與之兩矢使射召錡中項伏 而超風楚子使工尹襄問之以弓曰方事之殷也有執 經濟新編

死藝召銷夢射月中之退入於泥占之曰姬姓日也異

金云口屋 必射乃射再發盡發叔山冉搏人以投中車折較晉師! 從之其御屢顧不在馬可及也韓厥曰不可以再辱國 **楚師薄於險权山冉謂養由基曰雖君有命為國故子** 子在君側敗者壹大我不如子子以君免我請止乃死 而俘以下卻至曰傷國君有刑亦止石首曰衛懿公唯 君乃止卻至從鄭伯其右弟翰胡曰謀輅之余從之乘 使者三肅使者而退晉韓厥從鄭伯其御杜溷羅曰速 不去其旗是以敗於熒乃內在於弢中唐苗謂石首曰

使者而復鼓旦而戰見星未已子反命軍吏察夷傷補 夫子嘗與吾言於楚必是故也不亦識乎受而飲之免 請攝飲焉公許之使行人執榼承飲造于子重曰寡君 國之勇臣對曰好以眾整曰又何如臣對曰好以暇今 子重之麾也彼其子重也日臣之使於楚也子重問晉 兩國治戎行人不使不可謂整臨事而食言不可謂暇 乏使使鍼御持矛是以不得搞從者使某攝飲子重曰 乃止囚楚公子茂欒鍼見子重之旌請曰楚人謂夫旌 聖好動的 Ė

德之謂葵師選及瑕王使謂子反曰先大夫之覆師徒 諸臣不伎何以及此君其戒之周書曰惟命不于常有 者君不在子無以為過不穀之罪也子反再拜稽首曰 宵過晋入楚軍三日穀范文子立於戎馬之前曰君幻 實皇徇曰蒐東補卒秣馬利兵修陳固列齊食申禱明 卒乘繕甲兵展車馬雞鳴而食唯命是聽晉人患之苗 反子反醉而不能見王曰天敗焚也夫余不可以待乃 日復戰乃逸楚囚王聞之召子反謀穀陽豎獻飲於子

|飲定四庫全書

人

卷六十一

使止之弗及而卒 者見獲必務進進而遇覆必速奔後者不救則無繼矣 大夫有之大夫命側側敢不義側亡君師敢忘其死王 子反曰初陨師徒者而亦聞之矣盍圖之對曰雖微先 以待之戎輕而不整贪而無親勝不相譲敗不相救先 北戎侵鄭鄭伯禦之患戎師曰彼徒我車懼其侵軼我 若賜臣死死且不朽臣之卒實奔臣之罪也子重使謂 也公子突曰使勇而無剛者嘗冠而速去之君為三覆 便齊向編 Ė

楚屈瑕將盟貳軫鄖人軍於蒲騷將與隨紋州蓼伐楚 師莫敖患之關康曰鄖人軍其郊必不誠且日虞四邑 前後擊之盡殪戎師大奔十一月甲寅鄭人大敗戎師 乃可以逞從之式人之前遇覆者奔祀冊逐之東式師 君之所闻也成軍以出入何濟焉莫敖曰卜之對曰 之至也君次於郊郢以禦四邑我以銳師宵加於郞郞 曰盍請濟師於王對曰師克在和不在衆商周之不敵 有虞心而恃其城莫有關志若敗郎師四邑必離莫敖

|銀定匹庫全書

人

卷六十一

衛大子于咸宵迷陽虎曰右河而南必至焉使大子統 子君命也對曰郢異於他子且君沒於吾手若有之郢 謂之對曰郢不足以辱社稷君其改圖君夫人在堂三 衛候遊于郊子南僕公曰余無子将立女不對他日又 必聞之且亡人之子斬在乃立斬六月乙酉晉趙鞅納 揖在下君命祇辱夏衛靈公卒夫人曰命公子郢為大 以決疑不疑何卜遂敗鄖師於蒲騒卒盟而還 八人衰經偽自衛逆者告于門哭而入遂居之秋八

次定四車全書 一

經濟類編

陳罕駟自後隨而從之彼見吾貌必有懼心於是乎會 義除詬恥在此行也克敵者上大夫受縣下大夫受郡 馬今鄭為不道棄君助臣二三子順天明從君命 易天明斩艾百姓欲擅晉國而滅其君寡君侍鄭而保 之必大敗之從之下戰龜焦樂丁曰詩曰爰始爰謀爰 齊人輸范氏栗鄭子姚子般送之士吉射逆之趙鞅禦 契我龜謀協以故兆詢可也簡子誓曰范氏中行氏反 之遇於戚陽虎曰吾車少以兵車之斾與罕馴兵車先 經應

多りモノ

次定四車全書 下 而伏衛大子禱曰曾孫剃時敢昭告皇祖文王烈祖康 授大子綏而乘之曰婦人也簡子巡列曰畢萬匹夫也 子為右登鐵上望見鄭師衆大子懼自投于車下子良 無入于兆下卿之罰也甲戌將戰郵無恤御簡子衛大 士田十萬庶人工商遂人臣禄圉免志父無罪君實圖 77 七戰皆獲有馬百乘死於牖下羣子勉之死不在冠繁 之若其有罪絞縊以戮桐棺三寸不設屬辟素車撲馬 御趙羅宋勇為右羅無勇麋之吏詰之御對曰痞作 經濟類編

擊簡子中局幾于車中獲其鑑旗大子救之以戈鄭師 趙孟曰為其主也何罪止而與之田及鐵之戰以徒五 趙孟喜曰可矣傅便曰錐克鄭循有知在憂未艾也初 北獲温大夫趙羅大子復伐之鄭師大敗獲齊栗千車 以集大事無作三祖羞大命不敢請佩王不敢受鄭 叔文祖襄公鄭勝亂從晉午在難不能治亂使鞅討之 睛不敢自供備持矛焉敢告無絕筋無折骨無面傷 人與范氏田公孫龍稅焉趙氏得而獻之吏請殺之

改笔四事全等 怠也日臣當上於天今吳民既罷而大荒荐機市無赤 將絕吾能止之我御之上也駕而乘材兩割皆絕 既戰簡子曰吾伏弢嘔血鼓音不衰今日我上也大子 具王夫差還自黄池息民不戒越大夫種乃倡謀曰吾 追鄭師姚般公孫林殿而射前列多死趙孟曰國無小 謂吴王將遂涉吾地今罷師而不戒以忘我我不可以 曰吾救主於車退敵於下我右之上也郵良曰我兩剃 百人宵攻鄭師取鑑旗於子姚之幕下獻曰請報主德 经济频编 Ŧ

兆人事又見我蔑卜筮矣王若今起師以會奪之利無 我遂踐其地其至者亦將不能之會也已吾用禦兒臨 米而国鹿空虚其民必移就蒲羸於東海之濱天占既 使於越越王句踐問焉曰呉國為不道求殘我社稷宗 取名而去之越王曰善哉乃大戒師將伐呉楚申包胥 使失悛夫呉之邊鄙遠者罷而未至呉王將耻不戰必 之呉王岩慍而又戰幸遂可出岩不戰而結成王安厚 不須至之會也而以中國之師與我戰岩事幸而從我

金ラヒる

|次年四年全書 兵甲卒伍既具無以行之請問戰異以而可包胥辭曰 問其病求以報具願以此戰包胥曰善則善矣未可以 之中疾者吾問之死者吾葬之老其老慈其幼長其狐 具願以此戰包胥曰善則善矣未可以戰 也王曰越國 問君王之所以與之戰者王曰在孤之側者觞酒豆肉 不知王固問焉乃對曰夫具良國也能博取於諸侯敢 廟以為平原弗使血食吾欲與之徼天之東唯是車馬 箪食未嘗敢不分也飲食不致味聽樂不盡聲求以報 經濟額的

戰也王曰越國之中吾寬民以子之忠惠以善之吾修 富皆利之求以報兵願以此戰包胥曰善則善矣未可! 令寬刑施民所欲去民所惡稱其善掩其惡求以報呉 金クログイデ 帛子女以獨服焉未嘗敢絕求以報具願以此戰包胥 中富者吾安之贫者吾予之救其不足裁其有餘使貧 願以此戰包胥曰善則善矣未可以戰也王曰越國之 以戰也王曰越國南則楚西則晋北則齊春秋皮幣王 曰善哉蔑以加焉然猶未可以戰也夫戰知為始仁次 基六十

White to the same of 求發吾社稷宗廟以為平原不使血食吾欲與之徵天 發大計越王曰諸越王句踐乃召五大夫曰呉為不道 包骨既命狐矣敢訪諸大夫問戰奚以而可句踐願諸 不仁則不能與三軍共饑勞之殃不勇則不能斷疑以 之勇次之不知則不知民之極無以銓度天下之眾寡 乃進對曰審賞則可以戰乎王曰聖大夫苦成進對曰 大夫言之皆以情告無阿孤孤将以舉大事大夫舌庸 之衷唯是車馬兵甲卒伍既具無以行之吾問於王孫 經濟新編 圭

内有辱是子也外有辱是我也吾見子於此止矣王遂 五日必審之過五日道將不行王乃入命夫人王背屏 而立夫人向屏王曰自今日以後內政無出外政無入 於國曰國人欲告者來告告狐不審將為戮不利過及 有司大令於國曰苟任戎者皆造於國門之外王乃令 大夫皐如進對日審聲則可以戰乎王曰可矣王乃命 審罰則可以戰乎王曰猛大夫種進對曰審物則可以 戰乎王曰辩大夫蟊進對曰審備則可以戰乎王曰巧

多为口屋 台下

口莫如此不從其伍之今明日徒舍斬有罪者以徇曰 欠足四年 产 坐不埽王乃之壇列鼓而行之至於軍斬有罪者以狗 坐不帰王肯擔而立大夫向擔王命大夫曰食土不均 王遂出大夫送王不出擔乃関左関填之以土側席而 也自今日以後內政無出外政無入吾見子於此止矣 地之不修內有辱於國是子也軍士不死外有辱是我 出夫人送王不出屏乃闔左闔填之以土去笄侧席 曰莫如此以環瑱通相問也明日徙舍斬有罪者以狗 13 經濟類編

之明日旬於軍曰有兄弟四五人皆在此者以告王親 我禮已重矣子歸沒而父母之世後若有事吾與子圖 則是盡也擇子之所欲歸者一人明日徇於軍曰有時 命之曰我有大事子有昆弟四五人皆在此事若不提 有父母耆老而子為我死子之父母將轉於溝壑子為 父母耆老而無昆弟者以告王親命之曰我有大事子 日莫如此淫逸不可禁也王乃命有司大徇於軍曰有 莫如此不用王命明日徙舍至於禦兒斬有罪者以徇 金牙口尼人

妻子鬻於是呉王起師軍于江北越王軍于江南越王 龢斬有罪者以徇曰莫如此志行不果於是人有致死 歸若已後若有事吾與子圖之明日徇於軍曰筋力不 替之疾者告王親命之曰我有大事子有眩瞀之疾其 而不處進而不進退而不退左而不左右而不右身斬 之心王乃命有司大徇於軍曰謂二三子歸而不歸處 乃中分其師以為左右軍以其私卒君子六千為中軍 足以勝甲兵志行不足以聽命者歸莫告明日遠軍接 理齊衙衛

人行成曰昔不穀先委制於越君君告孤請成男女服 之左軍右軍乃遂涉而從之又大敗之於没又郊敗之 以夾攻我師乃不待旦亦中分其師將以禦越越王乃 江鳴鼓中水以須具師聞之大駭曰越人分為二 亦令右軍銜牧踰江五里以須夜中乃令左軍右軍涉 令其中軍街枚潜涉不鼓不謀以襲攻之呉師大北越 明日将舟戰於江及昏乃令左軍銜收泝江五里以須 三戰三北乃至於吳越師遂入吳國圍王宮吳王懼使 卷六十一 師將

銀定四年全書

.......... 與幾何寡人其達王于甬句東夫婦三百唯王所安以 而具不受今天以具賜越孤豈敢不聽天之命而聽君之 以至于今今孤不道得罪于君王君王以親辱於孤之 從孤無奈越之先君何畏天之不祥不敢絕祀許君成 没王年夫差辭曰天既降禍於吳國不在前後當狐之 敢不受以民生之不長王其無死民生於地上寓也其 令乎乃不許成因使人告于呉王曰天以呉賜越孤不 敞邑孤敢請成男女服為臣 御越王曰昔 天以越賜 呉 聖齊随編

中坐為計謀田忌欲引兵之趙孫子曰夫解雜亂紛糾 魏伐趙趙急請救於齊齊威王欲將孫臏臏辭謝曰刑 羣臣以集其謀故也 餘之人不可於是乃以田忌為將而孫子為師居輜車 征上國宋鄭魯衛陳蔡執王之君皆入朝夫唯能下其 視於天下夫差將死使人說於子胥曰使死者無知則 身實失宗廟社稷九具土地人民越既有之矣孤何以 已矣若其有知吾何面目以見員也遂自殺越滅兵上

銀定匹庫全書

去韓而歸齊軍既已過而西矣孫子謂田忌曰彼三晉 之兵素悍勇而輕齊齊號為怯善戰者因其勢而利導 者不控掺救關者不轉換批元持虛形格勢禁則自為 告急於齊齊使田忌將而往直走大梁魏將履涓聞 自校是我一舉解趙之圍而救斃於魏也田忌從之魏 解耳今梁趙相攻輕兵銳卒必竭於外老弱罷於內君 果去邯郸與齊戰於桂陵大破梁軍 不若引兵疾走大梁據其街路街其方虚彼必釋趙而 ĭ 五年前衛 魏與趙攻韓韓 幸九

是令齊軍善射者萬弩夾道而伏期日暮見火舉而俱 至使齊軍入魏地為十萬竈明日為五萬竈又明日為 之兵法百里而趣利者蹶上將五十里而趣利者軍半 發麗涓果夜至斫木下見白書乃鑚火燭之讀其書未 可伏兵乃斫大樹白而書之曰龎涓死于此樹之下於 逐之孫子度其行暮當至馬陵馬陵道狹而旁多阻隘 日士卒亡者過半矣乃棄其步軍與其輕銳倍日并行 三萬竈雁涓行三日大喜曰我固知齊軍怯入吾地三

- 欽定匹庫全書

患於被刑具起說武侯以形執不如德然行之於楚以 能言之者未必能行孫子籌策履涓明矣然不能查救 故弗論論其行事所施設者語曰能行之者未必能言 刻暴少恩亡其驅悲夫 子申以歸孫臏以此名顯天下世傳其兵法 畢齊軍萬弩俱發魏軍大亂相失履涓自知智窮兵敗 曰世俗所稱師旅皆道孫子十三篇呉起兵法世多有 乃自到曰遂成豎子之名齊因乘勝盡破其軍虜魏太 2.11 理弄颜编 太史公

多灾四庫全書 今秦攻趙戰勝則兵罷我承其做不勝則我引兵鼓行 破秦軍必矣宋義曰不然夫搏牛之蝱不可以破蟣蝨 開秦軍圍趙王鉅鹿疾引兵渡河楚擊其外趙應其內 羽為魯公為次将范增為末將較趙諸別將皆屬宋義 **楚懷王召宋義與計事而大説之因置以為上將軍項** 公坐而運策公不如義因下令軍中曰猛如虎狠如羊 而西必舉秦矣故不如先關秦趙夫被堅執鋭義不如 魏為卿子冠軍行至安陽留四十六日不進項羽曰吾 卷六十

KIED WALL 專屬於將軍國家安危在此一舉今不恤士平而徇其 糧乃飲酒高會不引兵渡河因趙食與趙并力攻秦 乃 私非社裡之臣項羽晨朝上將軍宋義即其帳中斬宋 而秦殭何做之承且國君新破王坐不安席掃境內而 貪如狼殭不可使者皆斬之乃造其子宋襄相齊身送 曰承其敞夫以秦之殭攻新造之趙其埶必舉趙趙舉 力而攻秦久留不行今歲饑民貧士卒食芋菽軍無見 之至無鹽飲酒高會天寒大雨士卒凍饑項羽曰將戮 经济勤编

為上將軍當陽君蒲將軍皆屬項羽項羽已殺卿子冠 **義子及之齊殺之使桓楚報命於懷王懷王因使項** 當是時諸将皆問服莫敢枝梧皆曰首立楚者將軍家 義頭出令軍中回宋義與齊謀反楚楚王除令羽誅之 金分四月台書 皆沈船破釜甑燒廬舍持三日糧以示士卒必死無 軍威震楚國名聞諸侯乃造當陽君蒲將軍將卒二萬 也今將軍誅亂乃相與共立羽為假上將軍使人追宋 河救鉅鹿戰少利陳餘復請兵項羽乃悉引兵渡河 羽

No characteristics 擊趙使人間視知趙王不用廣武君策還報大喜乃敢 諸侯上將軍諸侯皆屬焉漢韓信以兵數萬欲下東井 諸將皆從壁上觀是戰士無不一以當十是兵呼聲動 請侯諸侯軍牧鉅應下者十餘壁莫敢縱兵及楚擊秦 侯將入棘門無不膝行而前莫敢仰視項羽由是始為 天諸侯軍無不人人喘恐於是已破秦軍項羽名見諸 之殺蘇角虜王離涉問不降楚自燒殺當是時楚兵冠 選心於是至則圍王離與秦軍遇九戰絕其角道大破 经济新编 まれ

我走必空壁逐我若疾入趙壁技趙幟立漢赤幟令其 多年中心 八甲甲 陳趙軍望見而大笑平旦信建大將之旗鼓鼓行出井 肯擊前行恐吾至阻險而還信乃使萬人先行出背水 軍吏曰趙已先據便地為壁且彼未見吾大將旗鼓未 神將傳發口今日被趙會食諸將皆莫信詳應曰諾 二千人人持一赤熾從問道單山而望趙軍誠曰起見 脛口趙開壁擊之大戰良久於是信張耳詳棄鼓旗走 引兵遂下未至井陘口三十里止舍夜半傳發選輕騎 謂

廣武君有能生得者購干金於是有縛廣武君而致戲 虏趙軍斬成安君派水上禽趙王歇信乃令軍中母殺 遂亂遁走趙将雖斬之不能禁也於是漢兵夾擊大破 歸壁壁皆漢赤幟而大驚以為漢皆已得趙王將矣兵 信所出奇兵二千騎共候趙空壁逐利則馳入趙壁皆 韓信張耳韓信張耳已入水上軍軍皆殊死戰不可敗 <u> 技趙旗立漢赤幟二千趙軍已不勝不能得信等欲還</u> 水上軍水上軍開入之復疾戰趙果空壁爭漢旗鼓逐

飲定四車全書

經濟類編

服 自為戰今予之生地皆走寧尚可得而用之乎諸將皆 死地而後生置之亡地而後存且信非得素拊循士大 令臣等反背水陳曰破趙會食臣等不服然竟以勝此 **休畢賀因問信曰兵法右倍山陵前左水澤今者將軍** 夫也此所謂驅市人而戰之其執非置之死地使人 何術也信曰此在兵法顧諸君不察耳兵法不曰陷之 下者信乃解其縳東卿坐西鄉對師事之諸將郊首屬 老六十

戰而降也龍且曰吾平生知韓信為人易與耳且夫救 漢漢兵二千里客居齊城皆反之其執無所得食可無 齊不戰而降之吾何功今戰而勝之齊之半可得何為 齊王使其信臣招所亡城亡城 聞其王在楚來救必反 其鋒不可當齊楚自居其地戰兵易敗散不如深壁令 龍且并軍與信戰未合人或說龍且曰漢兵建關窮戰 齊王廣走高客使使之楚請叔韓信已定臨留遂東追 廣至高密西楚亦使龍且將 號稱二十萬枚齊齊王廣

東足四車全書 一

经海狗病

贼見執弱遂悉衆攻異異乃縱兵大戰日昃贼氣衰伏 于道侧旦日亦眉使萬人攻異前部異能出兵以救之 馮異討亦眉與賊約期會戰使壯夫變服與亦眉同伏 廣亡去信遂追北至城陽皆虜茭卒 沙壅水上流引軍半渡擊龍且詳不勝還走龍且果喜 多りでえ 軍大半不得渡即急擊殺龍且龍且水東軍散走齊王 曰固知信怯也遂追渡水信使人決壅裹水大至龍且 止遂戰與信夾濰水陳韓信乃夜令人為萬餘囊滿盛

Red a south from the little 降璽書勞異曰亦眉破平士吏勞苦始雖垂翅回谿 終 兵四千餘人救建而先遣精騎遮擊馬武軍糧武往救 大勲 能奮翼澠池可謂失之東隅收之桑榆方論功賞以答 兵卒起衣服相亂赤眉不復識別衆遂驚潰追擊大破 之建從城中出兵夾擊武武恃霸之援戰不甚力為茂 于崤底降男女八萬人餘衆尚十餘萬東走宜陽光武 王霸與捕虜將軍馬武東討周建于垂惠蘇茂將五校 經濟期編 ¥

髮請 欺 後受敵驚亂敗走霸武各歸營賊復聚衆挑戰霸坚即 **救其戰自倍如此茂衆疲勞吾承其弊乃可尅也茂建** 敗道也今閉營固守示不相援賊必乗勝輕進捕虜 果悉出攻武合戰良人霸軍中壮士路潤等數十人 其衆又多吾吏士心恐而捕虜與吾相恃两軍不 努力而已乃閉管堅壁軍吏皆爭之霸曰茂兵精 所敗武軍奔過覇管大呼求教霸曰賊兵盛出必两 戰覇 知士心鋭乃開管後出精騎襲其首建茂前 斷 無

卷六十

士所謂不戰而屈人之兵善之善者也茂建既不得戰 動 アニの声に 安帝時光過武都鄧太后以虞部有将即之略遷武都 兵遠來糧食不足故數挑戰以徼一切之勝今閉管休 太守引見嘉德殿厚加賞賜羌乃率衆數千遇部於陳 不出方饗士作倡樂茂雨射管中中覇前酒轉安坐不 降 軍更皆口茂前日已破今易擊也霸口不然蘇茂客 引還管其夜建兄子誦反閉城拒之茂建追去誦 经减勤编 7

郡 速 倉崎谷翻即停車不進而宣言上書請兵須到當發羌 金万四月全書 進 竈而君增之兵法日行不過三十里以戒不虞而今且 聞之乃分鈔傍縣詡因其兵散日夜進道兼行百餘 今吏士各作两竈日增倍之羌不敢逼或問曰孫臏滅 則彼所不測屬見各電日增必謂郡兵來迎來多行 百里何也部口属聚多吾兵少徐行則易為所及速 兵不滿三千而羌衆萬餘攻圍赤亭數十日 **火惮追我孫臏見弱吾今示題勢有不同故也既到** た六十 訊乃令

軍 數 更相恐動詞計賊當退乃潜遣五百餘人於淺水 大震退詡因出城奮擊多所傷殺明日悉陳其兵衆 還流亡假販貧人郡遂以安 敗散南入益州部乃占相地執築管壁二百八十 候其走路廣果大奔因掩擊大破之斬獲甚眾賊 兵急攻部於是使二十題智共射一人發無不中差 東郭門出北郭門入貿易衣服回轉數周羌不知 中使强对分發而潜發小弩美以為矢力弱不能至 į 豆新前扁 由 其

一颜定四年全書 桓帝時桂陽宿賊渠帥卜陽潘鴻等畏度尚威烈徒入 還莫不涕泣尚人人慰勞深自咎責因口上陽等財實 與從禽尚乃客使所親客潜杖其管珍積皆盡雅者來 乃并力攻之申令軍中恣聽射雅兵士喜悦大小皆相 習於攻守今兵寡少未易可進當頂諸郡所發悉至爾 緩之則不戰逼之必逃亡乃宣言下陽潘鴻作賊十年 陽鴻黨聚猶盛尚欲擊之而士卒縣富莫有關志尚計 山谷尚窮追數百里遂入南海破其三屯多獲珍寶而 巻六十五

特制馬車數十乘以排囊盛石灰於車上繁布索於馬 咸惯踊尚勃今秣馬蓇食明旦徑赴贼屯陽鴻等自以 足富數世諸卿但不并力耳所亡少少何足介意衆聞 凪 尾又為兵車專数弓弩尅期共會戰乃令馬車居前順 陽猾賊相聚攻郡縣賊衆多而璇力弱吏人憂恐璇乃 楊璇初舉孝庶稍遷靈帝時為零陵太守是時蒼梧桂 深固不復設備吏士乗銳遂大破平之 鼓灰賊不得视因以火燒布布然馬驚奔突賊陣 ĭ 经 奔到温

在我可勝在彼彼守不足我攻有餘有餘者動于九 而屈人之兵是以先為不可勝以待敵之可勝不可勝 滅全滅之勢在於此也萬曰不然百戰百勝不如不戰 卓曰智者不後時勇者不留決速故則城全不救則城 使後車弓弩亂發紅鼓鳴震羣盗波駭破散追逐傷斬 将軍董卓各率二萬人拒之卓欲速進赴陳倉萬不聽 梁州賊王國園陳倉靈帝復拜皇南萬為左將軍督前 無數泉其渠即郡境以清 卷六十一

金定匹庫全書

2 . Jan 1.1. 國 陷 受害之地而陳倉保不拔之城 我可不煩兵動聚 而 進兵擊之卓口不可兵法窮冠勿追歸衆勿迫今我 也 取 是與歸衆追窮逐也因獸猶關蜂虽有毒况大衆 夫執非儿天攻者受害陷非九地守者不拔國令已 十餘日城堅守固竟不能拔賊衆疲椒果自解去高 全勝之功将何故馬遂不聽王國圍陳倉自冬近春 經濟類編 吴

地之陷也王國雖强而攻我之所不故非九天之執

上不足者陷于九地之下今陳倉雖小城守固備

擊 級 金好四月全書 赴之傷自将精兵五千掩其東北乗城而入忠乃退 朱儁擊破趙弘餘師韓忠復城宛拒儁儁兵少不敵 沤 城惶懼乙降司馬張超及徐琴秦頡皆欲聽之傷 園結壘起土山以臨城內因鳴鼓攻其西南賊悉衆 國走而死卓大慙恨由是忌萬 也逐獨進擊之使卓為後拒連戰大破之斬首萬餘 **旋師非歸衆也國衆且走莫有關忠以整擊亂非窮** 曰不然前吾不擊避其銳也今而擊之待其衰也所 卷六十一

Juliant Like 出 萬乎其害甚矣不如微圖并兵入城忠見圖解執必自 勸來耳今海內一統唯黃巾造逐納降無以勸善討之 不受欲出不得所以死戰也萬人一心猶不可當况十 顧謂張超口吾知之矣贼令外圍周固內營逼急乞降 縱敵長冠非良計也因急攻連戰不尅仍登上山望之 足以懲惡令若受之更開逆意賊利則進戰鈍則乞降 兵有形同而勢異者昔秦項之際民無定主故賞附以 自出則意散易破之道也既而解園忠果出戰傷 7 經濟期編 凶

曹操 擊大破之乗勝逐北數十里斬首萬餘級忠等遂降 操者長江也今操得荆州奄有其地劉表治水軍蒙衝 會雅於具權以示羣下張昭等曰且将軍大執可以 人之議專欲誤將軍不足與圖大事時周瑜受使至番 艦乃以千數操悉浮以公江無有步兵水陸俱下 長江之險已與我共之矣不如迎之魯肅曰向察 旌旄南指劉琮東手令治水軍八十萬衆方與將 白江陵将順江東下先遺孫權書曰近者奉辭伐 拒 軍

金灰四月全書

贼也将軍割據江東兵精足用當横行天下為漢家除 土未平馬超韓逐尚在闕西為操後患而操舍鞍馬杖 殘去穢况操自送死而可迎之邪請為將軍籌之今此 操皆月行之瑜得精兵五萬自足制之願將軍勿應 撫其背曰公瑾柳言至此甚合孤心五萬兵難卒 **楫與吳越爭衡又今盛寒馬無豪草驅中國士衆遠** 肅勒權召瑜還瑜至謂權曰操雖託名漢相其實漢 湖之間不習水土必生疾病此數者用兵之患也

飲定四車全書

經濟類編

前中江墨帆餘船以次俱進操軍吏士皆出管立觀指 枯柴灌油其中裹以帷幕上建旌旗豫備走舸繫於 艦 孤當續發人衆為鄉後援瑜進與操遇於赤壁時操 已選三萬人船糧戰具俱辦御與子敬程公便在前 首尾相接可烧而走也乃取蒙衝圖艦十艘載燥 先以書遺操許云欲降時東南風急蓋以十艦最 瑜部将黄蓋曰今冠衆我寡難與持久操軍方連 已有疾疫初一交戰操軍不利引次江北瑜等在南 軍

をナナ

晉凉州刺史楊欣失羌戎之和馬隆陳其必敗俄而欣 烧盡北船延及岸上營落頃之煙炎張天人馬燒溺死 言蓋降去北軍二里餘同時發火火烈風猛船往如箭 誰能為我討此房通凉州者乎朝臣莫對隆進曰陛 陷泥中死者甚聚劉備局瑜水陸並進追操至南郡 軍從華容道步走遇泥濘道不通羸兵為人馬所蹈 者甚東瑜等率輕銳繼其後靁鼓大進北軍大壞操 **膚所沒河西斷絕武帝每有西顧之愛臨朝而嘆曰**

飲定四庫全書

八二十二紀 新新編

ĩ

略 賞募以亂常典隆小将妄說不可從也帝弗納隆募限 禀陛下威德醌勇何足滅哉帝許之乃以隆為武威太 隆口臣請募勇士三千人無問所從來率之鼓行而西 五百人隆口足矣因請自至武庫選杖武庫令與隆念爭 腰引弩三十六鉤弓四鉤六標簡試自旦至中得三千 守公卿食曰六軍既衆州郡兵多但當用之不宜横設 能任臣臣能平之帝曰必能滅贼何為不任顧御方 何如耳隆曰陛下若能任臣當聽臣自任帝曰云何

御 犀甲無所留礙賊咸以為神轉戰千里殺傷以千數 施于車工且戰且前弓矢所及應弦而倒奇謀間發 依 能等以眾萬計或乘險以過隆前或設伏以截隆後 也帝從之又給其三年軍資隆於是西渡溫水傳樹 令乃以魏時朽杖見給不可復用非陛下使臣滅賊意 不意或夾道累磁石賊員鐵鏡行不得前隆卒悉 史中丞奏劾隆隆曰臣當亡命戰場以報所受武庫 (陣圖作偏箱車地廣則鹿角車管路狭則為木

火にの事という

, 海 類 編

4

杜曾逐王俱徑造污口大為冠害威震江污元帝命 訪擊之訪有聚八千進至沔陽曾等銳氣甚盛訪曰先 率善我沒骨能等與树機能大戰斬之凉州遂平 萬能等率萬餘落歸降前後誅殺及降附者以萬計 撫掌歡笑詰朝召羣臣謂曰若從諸卿言是無秦凉也 威将軍加赤幢曲蓋鼓吹隆到武威虜大入猝拔韓 隆之西音問斷絕朝廷憂之或謂已沒後隆使夜到帝 詔曰隆以偏師寡聚奮不顧難胃險能濟其假節宣 周

分りにあるこう

卷六十

次足四軍全書 歩訪 屬左甄力戰敗而復合盾馳馬告訪訪怒叱令更進 號 曾勇冠三軍訪甚惡之自於陣後射难以安聚心令其 泉曰一 督右甄訪自領中軍高張旗幟曾果畏訪先攻左右 自行酒飲之敢不得妄動聞鼓音乃進賊未至三 哭還戰自旦至中两點皆敗訪開鼓音選精鋭 有奪人之心軍之善謀也使将軍李恒督左甄許 親鳴鼓将士皆騰躍奔赴曾遂大潰殺千餘 甄敗鳴三鼓两甄敗鳴六鼓趙盾領其父餘 Q 經濟數編 뗈 朝 百

温 嘉其勲上為廬江太守 撫等迎之毛寶告其聚曰兵法軍令有所不從豈可 軍 漢 勞我逸是以尅之宜及其衰乘之可滅鼓行而進遂定 夜追之諸将請待明日訪曰曾驍勇能戰向之敗也彼 一岸邪乃設變力戰悉獲其人虜殺萬計約用女 有上岸者死時蘇峻送米萬斛飽祖約約遣司馬桓 婚以南軍習水蘇峻軍便歩欲以所長制之宣令三 沔 ボハナ こして りゅう しょとう 戰曠日持久必啓義士之心令謀猷得展今以此弱 鳖以無益事實固解不受軍號時議者以王含錢鳳泉 等號令不一 **鳖曰群逆縱逸其勢不可當可以第屈難以力競且** 力 乗順逆之勢何往不尅且賊無經略遠圖惟恃豕突 被強冠決勝員於一 鳳攻逼京都假都監節加衛將軍都督從駕諸軍事 百倍苑城小而不固宜及軍勢未成大駕自出距 抄盗相尋百姓懲往年之暴皆人自為守 朝定成敗於呼吸雖有中胥之 經濟数編 含

動定四月全書 走退還坐朔矣若能決戰呼吸可定設欲城鄴難為 深慮也今盛夏悉力徑造鄴城彼服公威略必望陣 桓溫欲伐慕客氏於臨漳都超諫以道遠汴水又淺 道不通温不從遂引軍自濟入河超又進策于溫口 徒義存投袂何補於既往哉明帝從之 百姓布野盡為官有易水以南必交臂請命但恐 輕決公必務其持重耳若此計不從便當頗兵河 河無通運理若是不戰運道又難因資無所實為 卷六十 運

去 若舍此二策而連軍西進進不速決退必愆乏賊因 勢日月相引催便秋冬船道澁滞且北土早寒三軍 桓 此 褐 從果有材頭之敗温深慙之尋而有壽陽之提問超 賊已近議者欲两道並進以分賊勢喬曰今深入 足以雪材頭之耻乎超曰未康有識之情也 者少恐不可以沙冬此大限関非惟無食而已温 引糧運令資儲充備足及來夏雖如縣連終亦齊 温伐蜀使江夏相袁喬領二千人為軍鋒師次彭

Visit line

經濟類編

栭 及宇文段國等謀滅魔以分其地太與初三國伐處處 首 進去成都十里與賊大戰前鋒失利喬軍亦退矢及馬 進 里置之死地士無反顧之心所謂人自為戰者也今分 '棄去釜龍齊三日糧勝可必矣温以為然即一時俱 流亡者莫有赴之歩意慕容廆拘留乃陰結髙駒驪 左右失色喬因麾而進聲氣愈属遂大破之 两軍軍力不一萬一 州刺史東夷校尉崔毖自以為南州士望意存懷集 **偏敗則大事去矣不如全軍而**

動分四月分言

KILDINA JOHN DI 兵而歸守文悉獨官曰二國雖歸吾當獨無其國何 國攻辣城應閉門不戰遣使送牛酒以搞字文大言於 有韓魏之謀者待其人情沮惑然後取之必矣於是 曰彼信崔毖虚說邀一時之利鳥合而来耳既無統]戰若逆擊之落其計夫靜以待之必懷疑貳迭相差 相歸伏吾今破之必矣然被軍初合其鋒甚銳幸我 曰崔 此非有使至於是二國果 疑字文同於應也 | 則疑吾與毖譎而覆之二則自疑三國之中與吾 經濟類編 五十四 3

金云口压己言 機皆以委通時羌及丁零叛浩軍震懼姚襄去浩十里 修復洛陽經營荒梗迫為上佐甚有匡弼之益軍中 敗悉獨官僅以身免盡俘其衆 官自恃其眾不設備見處軍之至方率兵距之前鋒始 交翰已入其營縱火焚之其衆皆震擾不知所為遂大 人為盡衆逼城連營三十里應簡銳士配皝推鋒於 浩北伐以江道為諮議零軍治县重之選長史浩方 領精騎為奇兵從傍出直衝其營應方陣而進悉獨 卷六十 前

欠三つ甲という 頻 五 £ 散 ソス 兵 為 萬 **营以逼治治令追擊之迫進兵至襄營謂将校曰今** 飛其襄管襄管火發囚其亂随而擊之襄遂少敗 非 沒遣督該王昌及鮮 計 的餘以計! 就六眷所此又聞其大造攻具勒顧謂其将佐 破之乃取数百雞以長絕連之繁失于足羣雞 不精而眾少于美且其輕柳甚固難與校力吾當 以待之就六番屯于渚陽勒分遣諸将連出挑 石勒時城隍未修乃於襄國祭隔城重 經濟類編 早段就六春末杯匹彈等部 戰

而 長俱曰聞就六者尅來月上旬送死北城其大衆遠來 復出戰示之以弱速鳖北壘為突門二十餘道候賊 絶 今冠來轉逼彼衆我寡恐攻圍不解外救不至內糧聲 官連日以我軍勢寡弱謂不敢出戰意以懈怠今段 擊之茂不尅矣勒顧謂張廣孔長曰君以為 種衆之悍末松尤最其卒之精勇悉在末松所 決之何如諸将皆曰宜固守以疲冤彼師老自退 縱孫具重生亦不能固也吾将簡練将士大陣於野 何如實 可 追 勿

金万世月八十

卷六十

士 秦王符坚下詔大舉入冠民每十丁兼遣一 謂迅雷不及掩耳末柸之衆既奔餘自推敗擒求柸 守未定出其不意直衝末在帳敵必震惶計不及設所 家子年二十已下有材勇者皆拜羽林郎是時朝臣 造 鼓禄于城上會孔甚督諸安門伏兵俱出擊之生擒 突門于北城 解甲入屯北壘勒候其陣未定躬率将 彭祖可指辰而定勒笑而納之即以長為攻戰都督 松就六春等泉遂奔散 兵其於良

大元の時代はあり

經濟類編

舉大事臣恐功既不成仍有後患悔無及也堅不聽造 所陳策畫何可從也良家少年皆富饒子弟不問軍旅 于堅曰鮮甲羌虜我之仇讎常思風塵之變以逞其志 曰昔朕以龍驤建業未甞輕以授 平公融督張蚝慕容垂等步騎二十五萬為前鋒以 欲堅行獨慕容垂姚長及良家予勸之陽平公融言 州刺史 論設之言以會陛下之意耳今陛下信而用之 ,姚長為龍驤将軍督益梁州諸軍事堅謂長 卿其勉之堅發長

金罗巴尼石雪

欠にり見という 安戎卒六十餘萬騎二十七萬旗鼓相望前後千里陽 安遂将陟至夜乃還桓沖深以根本為憂遣精鋭三千 基睹聖安基常为於玄是日玄懼便為敵手而又不勝 等東八萬拒之是時秦兵既盛都下震恐謝女入問 **勇将軍征討大都督以謝玄為前鋒都督與謝琰桓** 平公融等兵三十萬光至顏口晋武帝詔以謝石為征 乃令張玄重請安遂命駕出遊山墅親朋畢集與玄圓 謝安安夷然答曰已別有古既而寂然玄不敢復言 經濟類編 至

金グビルノニー 過東兵謝石謝玄等去洛澗二十五里而軍憚成不敢 攻 壽陽克之將軍梁成等帥果五萬屯于洛澗柳 之果又寡弱天下事已可知吾其左衽矣陽平公融等 閑 藩 速降序 融於壽陽遺尚書朱序來說謝石等以强弱與勢不 宜留以為防沖對佐吏戴口謝安石有廟堂之量不 援京師謝安固邻之曰朝廷處分已定兵甲無闕 将略今大敵垂至方遊誤不服遣諸不經事少年拒 私謂石等曰若秦百萬之衆盡至誠難與為 卷六十 准以 西

與陽平公融等壽陽城望之見晋兵部陣嚴整又望見 敵 盡以其器械軍實於是謝石等諸軍水陸繼進秦王堅 爭走准水士卒死者萬五千人執秦揚州刺史王顯 干趣洛澗未至十里梁成阻測為陳以待之牢之直前 可遂破也石從序言謝玄遣廣陵相劉牢之帥精兵 公山上草木皆以為晋兵顧謂融曰此亦 水擊成大破之斬成又分兵斷其歸津秦步騎崩 今乗諸軍未集宜速擊之若取其前鋒則彼已奪氣 10:21 7:41 禮舞問編 勍敵何 等 謂 消 £,

弱 求 支遣使謂陽平公融曰君懸軍深入而置陳逼水此 騎髮而殺之蔑不勝矣融亦以為然遂麾兵使却秦 決勝員不亦善乎秦諸將皆曰我衆彼寡不如遏之使 得上可以萬全堅口但引兵少却使之半渡我以 久之計非欲速戰者也若移陳小却使晋兵得渡 退 也無然 略陳欲以帥退者馬倒為晋兵所殺秦兵遂潰玄 不可復止謝玄謝琰桓伊等引兵渡水擊之 始有懼色秦王逼肥水而陳晋兵不得渡 融 謝

動定四月全書

卷;

壽陽堅中流矢單騎走至淮北鐵甚民有進壺稅脈 者坚食之堅謂張夫人曰吾今復何面目治天下乎潜 乗勝追擊至于青岡泰兵大敗 乗雲母車及儀服器械軍資珍寶畜産不可勝計復 息草行露宿重以餓凍死者什七八 塞 在陳後呼曰秦兵敗矣泉大齊序因來奔獲秦王堅所 川其走者聞風聲鶴吸皆以為晋兵且至晝夜不敢 ... /... 是時諸軍皆潰惟慕容垂所將三萬人 徑節到他 自相 初秦兵小却朱 蹈精而死者敬 -八獨 全堅 舺 取 野

|飲定匹庫全書 前 自 髙 引兵冠南陽太守房伯玉擊敗之魏高祖怒以南 魏遷洛陽荆州 干餘騎赴之 引兵南下至宛夜襲其邪克之房伯玉嬰内城 郡志必滅之遂引兵向襄陽彭城王魏等三十六軍 如曏時冬來春去不有所克終不還北卿此城當我 相 祖遣中書舍人孫延景謂伯玉曰我今蕩壹六合 繼衆號百萬吹昏沸地魏高祖 刺史薛真度勘親高祖先取樊 巻かけり 留諸将攻 赭 拒 鄧 宇 陽

蒙武帝採拔直敢忘恩但嗣君失徳主上光紹大宗非 武帝蒙殊常之寵不能建忠致命而盡節於其讎 也項年薛真度來哪傷我偏師罪二也今鸞船親臨 首事在俯仰宜善圖之且卿有三罪今令御知卿先 六龍之首無容不先攻取遠期一年近止一月封侯 面縛麾下罪三也伯玉遣軍副樂稚柔對曰承欲攻 副億兆之深望柳亦無武皇之遺散是以區區盡節 於以克甲微常人得机天威真可謂獲其死所外 罪 事 園

CITO TOTAL ET

經濟類編

六十

世 多分匹居白雪 紫返已而言不應垂責宛城東南隅溝上有橋魏髙祖 宗韶中山王英乗勝平蕩東南逐北至馬頭攻板之 出擊之 敢失墜往者北師深入冠擾遣民軟属将士以修 兵過之伯王使勇士數人 舸 斃 问 糧儲魏悉遷之歸北議者成曰魏運米北歸當不 乃得免 梁武帝口不然此必欲進兵為許 魏髙祖人馬俱騰召善射者原靈度射之應 巻六十 衣 斑衣戴虎帽伏於寶 計耳乃命修 膱

火足可華 白馬 進 有餘令盡鋭攻鍾離得之則所利無幾不得則虧 那 鍾 容猶爾盤桓方有此請可速進軍懋又表以為今中 後舉江東之釁不患其無詔曰濟淮掎角事如前敕 大且介在准外借使束手歸順猶恐無糧難守况殺)軍鍾離實所未解若為得失之計不顧萬全直襲 繼引兵會之繼上表以為南軍雖野戰非敵而城 離城敢昌義之為戰守之備其進園鍾離魏世宗 以攻之乎若臣愚見謂宜修復情成無循諸州以 從 所 類 編 損 守 甚 詔 何 士

金グロろう 陖 者 進 來 舆 停 可 應 臣木之前聞也彼堅城自守不與人戰城聖水 填塞空坐至春士卒自斃若遣臣赴 出 之責不受敗損空行之 乃召強還更命鎮東将軍蕭寶寅與英同 兵不齊冬服脱遇水雪何方取濟臣寧荷怯懦 其不備或未 则 東将軍楊大服等衆數十萬攻鍾 別 不 知 如其無也必無克狀若信臣言願 可知若正欲以八十 老六十 罪 鍾 離天險 被 朝 IJ 離 從 糧 鍾離城 貴 聚 所具若有 何致 園 鍾 鍾 深 離城 糧 赐 離 非 臣 不 夏

塹 英 濕 桕 淮 代隆而復升莫有退者一日戰 用 使其衆員土随之俄而輕滿 無宜人淹勢雖必取乃将軍之深計兵久力站亦 魏 據南岸攻城大眼據北岸立城以通糧運城中眾 魏人於 人死者與城平魏世宗召英使還賜詔曰彼土 泥補之衝車雖入而不能壞魏人晝夜苦攻分 人昌義之督的将士随方抗禦魏人以車載土 邵陽 洲 两岸為橋 衝車所撞城土 樹 數十合前後殺傷 柵數百步跨准通 軱 頳 道 填 番 纜

経済類編

守 廷 宋文帝欲伐魏丹陽尹徐湛之吏部尚書江湛彭城 叡 而 兵救鍾離受曹景宗節度叡自合肥取直道由陰陵 敵櫃道濟再行無功到彦之失利而返今料王玄 王玄誤等並勘之校尉沈慶之諫曰我歩彼騎其勢 口鍾離今鳖九而處員戶而汲車馳卒奔街恐其後 况緩乎魏人已重吾腹中卿曹勿憂也 行值潤谷軟飛橋以濟師人畏魏兵或多勸取緩 之所憂也英猶表稱必克武帝命豫州刺史韋都 **以定四軍全書** 面 £ 等未踰两 ÝΓ 自然不固比及冬初城守相接鹰馬過河即成擒也 滑基小成易可覆放克此二城館穀吊民虎牢浴 書生軍謀之事何由濟文帝大笑太子邵及該軍 又固陳不可文帝使徐湛之江湛難之慶之曰治 恃者唯馬今夏水治汗 師 如治家耕當問奴織當問婦陛下今欲伐 再屈別自有由道濟養冠自資彦之中塗疾動 将六軍之威不過往時恐重辱王師文帝 經濟類編 河道流通汎舟北下碼敬 1 國而與 國

武 足 五 守下至富民各獻金帛 勒 許洛徐充二州 鑑司 悉發青鎮徐豫二充六州三五民丁倩使雙行緣江 力之士應科者皆加厚賞使王玄談進圖清莹又造 郡 集廣陵緣准三郡集盱眙又募中外有馬少衆藝 所部東西齊舉是時軍旅大起王公妃 巴 話亦諫文布皆不從遣王玄謨 馬 劉康祖将兵助中坦進逼虎牢魏羣臣初開 刺史武陵王版豫州刺 雜物 ソス 助 國 帥 用又以兵力 史南平王 沈慶义等 主及 朝 鍱 士 不

次定山東在馬 嚴 責大梨八百由是衆心失望攻城數月不下聞魏 者 有 至泉請發車為管玄誤不從魏世祖渡河泉號百萬 今未肥天時尚熱速出必無功若兵來不止且還陰山 宋師言於魏世祖請遣兵救緣河穀帛魏世祖曰馬 而玄談貪慎好殺時河洛之民競出租穀操兵來 日以千数玄誤不即 之國人本著羊皮疹何用綿吊展至十月吾無憂矣 魏世祖引兵南救滑臺王玄設士眾甚盛器械 經濟類編 其長即而以配 私服家付匹 救 布 赴 稍 將

肵 鼓之聲震動天地玄誤懼退走魏人追擊之死者萬餘 金り口がと 麾下散亡略盡奏棄軍資器械山積玄誤追還蕭斌 提帥東二萬度脩救俠安都等與戰於城南魏 **設戍碼敬柳元景自百丈崖從諸軍進攻弘農拔** 能當且殺戰將以自弱非良計也斌乃止斌乃使 後督租陕城險固諸軍攻之不拔魏洛州刺 斬之慶之固諫曰佛狸威震天下控弦百萬豈玄謨 拟柳 元景為弘農太守元景使薛安都等攻陕元景 卷六十 史張是

大正の事合い 娰 射 突 至 都 歩 移馬亦去具裝與目横矛單騎突陳所 你 日晏魏泉人溃 騎諸軍不能敢安都怒脫班整解鎮唯者終 挺身奮擊流血 騎二千 引兵自玉谷闕至魏兵乃退元景遣軍副柳元怙 不能中如是數四般傷不可勝數會日暮 帖引 兵自南 敢安都等夜至魏人不之知 6 疑 斬 門鼓禄直出 肘 張是連提及将 经济期祸 矛 折易之更入諸軍野奮自 旌 旗 甚或魏泉驚駭 卒三千餘級 则 向無前魏 日安都 3 补 衲两當 伯 筝 其 旦

兵 赴 袓 峢 已過 **大帝使輔** 匉 至彭城立種屋於戲馬墨以皇城中攻彭城不克 中豪傑所在遙起及四山羌胡皆來送致文帝以 魏與王禪攻崇之等三管皆敗沒是夕質軍亦 河輕死者甚衆遂克陝城嚴法起等進攻潼 敗退魏兵深入柳元景等不宜 准質使胡崇之管東山毛熙祚據前浦質管於城 下所過無不殘滅城已皆望風奔溃魏兵至准 國 将 軍藏質将萬人数 彭城至肝 獨進皆召送魏 鮨 劂 魏世 據 世 £ 袓

鱼写巨

人公司

本ハ

改是四軍公馬 棄 國之秋諸君 曰虜若以城 隍 王方該猶在清臺江准無警璞以郡當衝要乃結城 衆心稍定璞以集得二干精兵口足矣及感質向 過及魏兵南向守军多葉城走或勘珠宜還建康 聚於小城之下而不敗者乎昆陽合肥前事之明 積 輜重器械單将七百人赴城初盱眙太守沈璞到 財教储夫石為城守之備係屬皆非之朝廷亦 ,封侯之日也奈何去之諸君當見數十 小不 顧夫復何懼若內薄來攻此乃吾 经海频的 謭 城 驗 報 官 璞

攻城 内 泉 無 冠也不齊糧用唯以抄掠為貧及過准民多寬匿抄掠 角 所得 及伐革為我聲言欲渡江建康震懼民皆荷擔而立 接于湖 外戒嚴命領軍将軍劉遵考等将兵分守津要遊羅 向由是肝胎得益完守備魏世祖至瓜步壞民廬 不拔即留其将韓元與以数千人守肝 門納質見城中豊實大喜因與珠共守魏人之 人馬饑乏聞肝 下至蔡洲陳艦列管周旦江濱自采石至于 胎有 積 栗欲以 為此歸之資 胎自帥 南

分りじんだって

卷六十

素 久足四東公山 實欲繼 氊 暨 異味魏世祖以其孫示奇曰吾遠來至此非欲為功 湛 在宣使胡馬至此 計 屋魏世祖不飲河南水以豪脫 員河北水自随 陽六七百里太子邵出鎮石頭總統水軍丹陽力 配名馬并求 6 之守石頭文帝登石頭城有憂色謂江港曰北伐 議者少今日士民勞怨予之過也又曰檀道齊 好息民水結姻援宋若能以女妻此 和請婚文帝遣奉朝請田奇的以珍 魏世祖鑒瓜少山為雖道於其上 经济数编 孫我 学も 餉 羞 名 若

麾兵小却 徐 妻武陵王白今匹馬不復南顧奇還文帝召太子劭 文帝曰北伐自是我意江徐但不異耳由是太子與江 伐敗辱數州淪破獨 臣議之江港曰戎狄無親許之無益劭言於文帝曰 上流縱火批 不平魏亦竟不成婚 頻至軍為橋 欲待常孝寬軍半渡擊之孝寬因其却鳴 類豫為土狗以禦之惇布陳二十餘 於以水尉遲廻子魏安公惇軍以東 有斬江港徐港之可以謝天下

金万巨人人

及

文E四華公馬 孝寬縱兵圖之廻擲弓於地罵堅極口而自殺廻起 道破之乃先射觀者觀者皆走轉相騰籍聲如雷霆竹 齊進軍既度類命焚橋以絕士平反顧心惇兵大敗孝 陳其麾下兵皆闕中人為之力戰孝寬等軍不利而 自青州赴廻以三千騎先至週素習軍旅老猶被甲 **宽乗勝進追至鄴廻卒十三萬陳於城南勤即眾五萬** 乃傳呼曰城敗矣衆復振因其擾而乗之迎軍敗保城 中士民觀戰者數萬人字文竹曰事急矣吾當以說 維済類編 却 脇

金グログノー 柳莊日若從衆人之言社稷已不守矣 經濟類編卷六十 人日而敗常孝寬分兵悉平關東梁主聞廻敗謂